



Meeqqat tamarmik naleqarput

Alle børn er værdifulde

All children are valuable

Tusagassiorfinnut Nalunaarut

Meeqqat Illersuisuat Meeqjanut, Inuusuttunut ilaqtariinnullu Naalakkersuisumut nersualaarinnittooq

“Naalakkersuisoq Paneeraq Olsen meeqqat inuusuttullu tarnikkut ikiortariallit periarfissaat eqqarsaatigalugit, MIO’p Namminersornerusunut innersuussutaannut tusarnaarluuarsimavoq. Meeqqat inuusuttullu sinnerlugit assut naammagisimaarpa Naalakkersuisup maanna kissaatigilermagu meeqqat pisortaniit sakkortusisamik ikiorserneqarsinnaanngussammata”
Meeqqat Illersuisuat Aviâja Egede Lynge oqarpoq.

Meeqqat inuusuttullu inuunertik naallugu tarnikkut innarlerlutillo nappaateqaleriaannaapput, timikkut aamma / imaluunniit tarnikkut sumiginnagaasimatillugit ullumikkut ikiorserneqarluannginnertik pissutigalugu.

Meeqqat Illersuisuat pisortanut arlaleriarluni tikkuartorsimavaa meeqqat inuusuttullu tarnikkut ingerlanerliortut ikiorserneqanngimmata.

MIO`mut saaffiginnissutaasartut takutippaat, meeqqat inuusuttullu tarnikkut ingerlanerliortut amerlavallaartut pisinnaatitaaffitik atorfissaqartitsinertillu naapertorlugu ikiorserneqanngimmata.

“Uannut pingaaruteqarpoq naqissusissallugu, Nunarput pisussaaffeqarnissani nammineq 1993-mi atsiorsimammagu, Naalagaaffit Peqatigiit Meeqjanut Isumaqatigiissutaat naapertorlugu meeqqat inuusuttullu pisinnaatitaaffigimmassuk ikiorserneqarsinnaallutik.” Meeqqat Illersuisuat Aviâja Egede Lynge oqarpoq.

MIO`p kingullertigut Misissuisarfiup Det Nationale Forsknings- og Analysecenter for Velfærd, VIVE suliassissimavaa, kommuneni meeqqanut inuusuttunullu tarnikkut ingerlanerliortunut pinaveersaartitsinikkut pisartut nalunaarsoqqullugit, tamatumani Naalagaaffit Peqatigiit Meeqjanut Isumaqatigiissutaat aallaavigeqqullugu.

MIO

Meeqqat pisinnaatitaaffiinik sullissivik
Børnerettighedsinstitution
National Advocacy for Children Rights

Postboks 1290

Quillierfik 2, nr. 801-2
3900 Nuuk
Kalaallit Nunaat • Grønland • Greenland

Tel.: +299 34 69 40

Mail: mio@mio.gl
www.mio.gl



Meeqqat tamarmik naleqarpuit

Alle børn er værdifulde

All children are valuable

“Nuannaarpunga, Naalakkersuisoq Paneeraq Olsen meeqqanut inuusuttunullu tarnikkut ingerlanerliortunut innersuussutigisavut tusarnaarluarsimammag. Nalunaarusiaq tigulluarsimavaa qanorpiarlu iliuuseqartoqarsinnaanersoq misissorlugu aallartissimavoq. Ineriartorneq tamanna nuannaarutissaavoq qilanaarpungalu Namminersornerusut meeqqanut inuusuttunullu tarnikkut ingerlanerliortunut suliassaatigut malinnaavigissallugit.” Aviâja Egede Lynge oqarpoq.

Nalunaarusiaq MIO’p nittartagaanni nassaarisinnaavat uani: www.mio.gl

Asannittumik inuullaqqusillunga

Aviâja Egede Lynge
Meeqqat Illersuisuat
Børnetalsmand
Avi@mio.gl
Tlf.: 531274